

MPN/plc

ACTA DA SESIÓN ORDINARIA DA COMISIÓN INFORMATIVA DE COOPERACIÓN LOCAL, TRANSFRONTEIRIZA E DE COORDINACIÓN DAS EMERXENCIAS PROVINCIAIS DO DÍA 24/05/2024

ASISTENTES

PRESIDENTE: D. Roberto José Álvarez Carrero

VOGAIS: D.^a Luisa María Sánchez Méndez
D. Rafael Domínguez Artime
D. Jorge Cubela López
D. Jesús Vázquez Almuíña
D.^a María Pilar Ramallo Vázquez
D. Manuel Alejandro Lorenzo Alonso
D.^a María Nava Castro Domínguez
D. Javier Tourís Romero
D.^a Ana Laura Iglesias González
D. Carlos Gómez Prado
D.^a Digna Rosa Rivas Gómez
D. Gorka Gómez Díaz, en substitución de D. Paco Ferreira González
D. Gregorio Luis Agís Gómez
D. Javier Iglesias Mougán
D. Xosé Cesáreo Mosquera Lorenzo
D.^a Beatriz Lomba Rodríguez

Sendo as doce horas e cinco minutos do día vinte e catro de maio do ano dous mil vinte e catro, reúnen-se no Pazo Provincial os Sres./as. Deputados/as arriba relacionados, en sesión ordinaria, e baixo a Presidencia de D. Roberto José Álvarez Carrero. Actúa como secretaria a xefa do Servizo de Cooperación, D.^a Marina Piñeiro Novo.

Aberta a sesión polo presidente, pásase ao estudo dos asuntos incluídos na Orde do Día, sobre os que recaeron os seguintes ditames:

1. APROBACIÓN DA ACTA DA SESIÓN ANTERIOR

Apróbase a acta da sesión anterior correspondente á sesión ordinaria celebrada o dezanove de abril do ano dous mil vinte e catro por unanimidade.



2. DITAMINAR A APROBACIÓN DO PROXECTO TÉCNICO REFORMULADO DA ACTUACIÓN “REHABILITACIÓN E MELLORA ENERXÉTICA DA ANTIGA CASA CONSISTORIAL DE PORTAS” PRESENTADO POLO CONCELLO DE PORTAS AO ABEIRO DO PROGRAMA PON2030 (Expediente nº 2023030717)

Sométese ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte proposta de acordo, de conformidade co establecido nos artigos 123 a 126 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais, con carácter previo á súa elevación ante o Pleno para a súa aprobación:

“ASUNTO: APROBACIÓN DO PROXECTO TÉCNICO REFORMULADO DA ACTUACIÓN “REHABILITACIÓN E MELLORA ENERXÉTICA DA ANTIGA CASA CONSISTORIAL DE PORTAS” PRESENTADO POLO CONCELLO DE PORTAS AO ABEIRO DO PROGRAMA PON2030 (Expediente nº 2023030717)

ANTECEDENTES

- O Pleno da Corporación Provincial na súa sesión extraordinaria de 06/03/2023, mediante o acordo núm. 2.7960, aprobou as Bases reguladoras e convocatoria do Programa provincial de infraestruturas e dotacións singulares para a execución da Axenda 2030 – Programa PON2030, publicadas no Boletín Oficial da Provincia de Pontevedra (BOPPO) núm. 46, de 07/03/2023, modificadas polo Pleno provincial na súa sesión ordinaria de 29/09/2023, mediante o acordo núm. 3.8051, publicadas no BOPPO núm. 191, de 03/10/2023.
- O Pleno provincial na súa sesión extraordinaria urxente de 23/06/2023, mediante o acordo núm. 4.8011, concedeu unha subvención polo procedemento de concorrencia competitiva ao Concello de Portas con destino á execución da actuación denominada “Rehabilitación e mellora enerxética da antiga Casa Consistorial de Portas”, ao abeiro do Programa PON2030.
- O orzamento do investimento ascendía a 207.614,46€ (201.261,96 € de execución de obra e 6.352,50 € de honorarios técnicos) e a subvención concedida a 176.472,29€, completándose o financiamento mediante unha achega municipal por importe de 31.142,17€.
- O 14/11/2023 asínase o correspondente convenio de colaboración entre ambas administracións.
- Motivado pola considerable alza de prezos dende o momento da redacción do proxecto inicial, antes de iniciar a fase de contratación, tívose que realizar un reformulado para actualizar as partidas orzamentarias. Na data 03/04/2024 o Concello de Portas presenta no Rexistro da Deputación (núm. rexistro WEB2024022194) un proxecto reformulado no que o orzamento aumenta 23.375,13€ ata o importe de 230.989,59€ (224.637,09 € de execución de obra e 6.352,50 € de honorarios técnicos), xunto coa resolución de alcaldía de aprobación do citado reformulado.

Así mesmo, o Concello presenta nesa data a solicitude de subvención de 54.517,30€ ao abeiro do Plan + Provincia 2024 para o financiamento da totalidade da achega municipal (expte. 2024022913).



- Tras o requirimento realizado polo Servizo de Cooperación, na data 30/04/2024 o Concello presenta no Rexistro da Deputación (núm. rexistro WEB2024028360) un informe do redactor do proxecto e na data 02/05/2024 (núm. rexistro WEB2024028693) presenta o proxecto reformulado emendado.
- O enxeñeiro do Servizo de Cooperación emite informe de supervisión do proxecto o 08/05/2024.
- Examinado o proxecto pola Comisión de persoas expertas do Programa PON2030 na data 08/05/2024, acórdase que procede dar a conformidade ao proxecto reformulado presentado, tendo en conta que os cambios introducidos obedecen a unha actualización de prezos, manténdose a puntuación obtida no proceso de baremación de acordo aos criterios de valoración fixados nas bases da convocatoria.
- O 09/05/2024 a xefa do Servizo de Cooperación informa favorablemente o expediente.
- O 21/05/2024 o Concello de Portas presenta no Rexistro da Deputación (núm. rexistro WEB20240032435) a resolución de alcaldía de aprobación do proxecto reformulado emendado.
- Na data 21/05/2024 o enxeñeiro de camiños, canais e portos adscrito a Intervención emite informe no que considera aceptable o criterio expresado polo órgano xestor e a comisión de persoas expertas sobre que o proxecto reformulado non reduce a calidade do proxecto e que, por tanto, os cambios introducidos no proxecto non modifican a puntuación obtida na baremación de acordo aos criterios de valoración fixados nas bases da convocatoria.
- Na data 21/05/2024 a Intervención provincial emite informe de fiscalización favorable á proposta de modificación do acordo de concesión por cambio de proxecto do investimento obxecto de subvención.
- Sométese, así mesmo, ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais

FUNDAMENTOS DE DEREITO

Réxime xurídico

- Lei 38/2003, de 17 de novembro, xeral de subvencións (LXS), e o seu Regulamento aprobado por Real Decreto 887/2006, de 21 de xullo (RLXS)
- Lei 9/2007, de 13 de xuño, de subvencións de Galicia (LSG), e o seu Regulamento aprobado por Decreto 11/2009, de 8 de xaneiro (RLSG)
- Lei 7/1985, de 2 de abril, reguladora das bases do réxime local (LRBRL)
- Lei 39/2015, de 1 de outubro, do procedemento administrativo común das administracións públicas (LPACAP)
- Lei 40/2015, de 1 de outubro, de réxime xurídico do sector público (LRXSP)
- Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais (ROFRXEL)
- Real Decreto Legislativo 2/2004, de 5 de marzo, polo que se aproba o Texto refundido da Lei reguladora das facendas locais (TRLRFL)
- Lei 9/2017, de 8 de novembro, de contratos do sector público, pola que se traspoñen ao



ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 (LCSP)

- Ordenanza xeral de subvencións da Deputación de Pontevedra, aprobada no Pleno provincial do 28 de outubro de 2016 e publicada no BOPPO do 30/12/2016 (OXSDPPO)
- Bases de execución do orzamento da Deputación
- Bases reguladoras e convocatoria do Programa provincial de infraestruturas e dotacións singulares para a execución da Axenda 2030 – Programa PON2030
- Convenio de colaboración entre a Deputación e o Concello de Portas para a execución da actuación denominada "Rehabilitación e mellora enerxética da antiga Casa Consistorial de Portas" ao abeiro do Programa PON2030

Consideracións xurídicas

Instrución do expediente

- Base reguladora 7ª da convocatoria, pola que a instrución do procedemento correspóndelle á xefa do Servizo de Cooperación.

Petición e evacuación de informes

- Artigos 79 e 80 da LPACAP, sobre a petición e a evacuación de informes.
- Artigo 88.6 da LPACAP, que sinala que a aceptación de informes ou ditames servirá de motivación á resolución cando se incorporen ao texto da mesma.
- Artigos 213 e ss. do TRLRFL, sobre o control e a fiscalización da xestión económica que lle corresponde realizar á Intervención.
- Bases 47ª e 48ª de execución do vixente orzamento provincial, sobre o control e a fiscalización da xestión económica, que sinala a competencia da Intervención para realizar esta función.

Resolución do expediente

- Artigo 2 da LSG, en concordancia co artigo 2 da LXS, que na definición de subvención vincula a disposición dineraria entre outros requisitos, a que a entrega estea suxeita ao cumprimento dun determinado obxectivo, a execución dun proxecto, a realización dunha actividade, ou a adopción dun comportamento singular, xa realizados ou por desenvolver, debendo o beneficiario cumprir as obrigacións materiais e formais que se estableceran.
- Artigo 11.a) da LSG, en concordancia co artigo 14.1.a) da LXS, que establece como obriga do beneficiario cumprir o obxectivo ou executar o proxecto que fundamenta a concesión da subvención.
- Artigo 64 do RLXS que dispón que unha vez recaído un acordo ou resolución de concesión pódese solicitar unha modificación do seu contido, de acordo co disposto nas bases reguladoras da subvención, e sempre e cando non se prexudique dereitos de terceiros e se solicite antes de que conclúa o prazo para a realización da actividade.
- Artigo 16 da OXSDPPO, respecto da modificación da resolución de concesión, pola que salvo que nas bases reguladoras, resolución de aprobación da convocatoria ou de concesión se estableza o contrario, o beneficiario poderá solicitar a súa modificación, non debendo variarse o destino ou finalidade da subvención. En concorrencia competitiva a modificación só será posible no caso de que non altere a puntuación obtida pola persoa beneficiaria por aplicación



dos criterios de concesión.

- Artigo 205 da LCSP, que recolle os supostos de modificacións non previstas nos pregos de cláusulas administrativas, así como os límites na alteración das súas contías.
- Artigo 242.4 da LCSP, polo que de considerarse necesaria unha modificación do proxecto procederase á súa redacción e aprobación polo órgano de contratación.
- Base reguladora 17ª da convocatoria, segundo a cal, se xurdise a necesidade de modificar o proxecto, o concello deberá redactar e xestionar administrativamente, de acordo co establecido na normativa de contratos, a modificación do proxecto, que deberá ser aprobada polo órgano competente do concello. Esta modificación non poderá supoñer unha minoración da puntuación acadada no proxecto inicialmente presentado. Tras a aprobación polo concello, a Deputación supervisará a modificación e dará a súa aprobación, sen a cal non será posible o pago da subvención.

Segundo a dita base, a revisión de prezos, cando supoña un incremento dos custos, correrá a cargo do concello.

Competencia para resolver

- Correspóndelle ao Pleno da Deputación, de acordo coa Base 16ª de execución dos orzamentos da Deputación para o vixente exercicio, e en virtude dos artigos 33 da LRBRL e 185 do TRLRFL.

CONCLUSIÓNS

O proxecto reformulado presentado polo Concello de Portas non altera nin a finalidade nin o obxecto para o que se outorgou a axuda económica da Deputación.

O novo orzamento aumenta en 23.375,13€ ata o importe de 230.989,59€ (224.637,09 € de execución de obra e 6.352,50 € de honorarios técnicos). Segundo o establecido na cláusula quinta do convenio, ao non poder afectar a modificación ao importe máximo da achega da Deputación, o incremento do orzamento deberá financiarse polo Concello, cos seus fondos propios ou con outro tipo de axudas que poida obter. Neste caso o Concello presentou unha solicitude de subvención de 54.517,30€ ao abeiro do Plan + Provincia 2024 para o financiamento da totalidade da achega municipal.

A Comisión de Persoas Expertas informa favorablemente a supervisión do proxecto reformulado, poñendo de manifesto que os cambios introducidos non afectan á puntuación obtida no proceso de baremación de acordo aos criterios de valoración fixados nas bases da convocatoria.

O proxecto preséntase antes de que remate o prazo de execución das obras acollidas no Programa PON2030 e co mesmo non se prexudican intereses de terceiros, nin se alteran as circunstancias que se tiveron en conta para a concesión da subvención. En consecuencia, non se prexudican os principios de igualdade, obxectividade e non discriminación que deben rexer os procedementos de concesión de subvencións, e en particular no sistema de concorrencia competitiva.

Por todo o exposto, e á vista dos antecedentes, fundamentos de dereito e conclusións sinaladas, a acta da sesión da Comisión de persoas expertas celebrada o 08/05/2024 (CSV: LS8RIEMHP6GDIDRY), o informe da xefa do Servizo de Cooperación de 09/05/2024 (CSV: 2ODTFYKGB0TT3RRH), o informe do enxeñeiro de camiños, canais e portos adscrito a Intervención de 21/05/2024 (CSV: L9N5PS9V5FZX7FR) e o informe de Intervención de



21/05/2024 (CSV: LGSMOLRWU2JOUCEg), sométese ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte PROPOSTA DE ACORDO:

- APROBAR o proxecto técnico reformulado da actuación "Rehabilitación e mellora enerxética da antiga Casa Consistorial de Portas" presentado polo Concello de Portas ao abeiro do Programa PON2030.

Ao aumentar o orzamento do proxecto e o importe da achega municipal, deberá procederse á sinatura da correspondente addenda ao convenio entre ambas administracións na que se modifique a cláusula segunda de Financiamento.

- DAR TRASLADO do presente acordo ao Concello de Portas, a Intervención, ao Servizo de Cooperación e ao Gabinete de Presidencia."

Sometido a votación este asunto, a Comisión Informativa de Cooperación Local, Transfronteiriza e de Coordinación das Emerxencias Provinciais, ditamina favorablemente por unanimidade.

3. DITAMINAR A APROBACIÓN DO CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A CONTINUIDADE DAS ACTUACIÓNS DO PROXECTO DE REMODELACIÓN DO ESTADIO MUNICIPAL DE FÚTBOL DE BALAIOS. NOVA GRADA DE GOL (Expediente nº 2024028444)

De conformidade co establecido nos artigos 123 a 126 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das Entidades Locais, sométese ao Ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte proposta de acordo con carácter previo á súa elevación ante o Pleno para a súa aprobación:

"ASUNTO: APROBACIÓN DO "CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A CONTINUIDADE DAS ACTUACIÓNS DO PROXECTO DE REMODELACIÓN DO ESTADIO MUNICIPAL DE FÚTBOL DE BALAIOS. NOVA GRADA DE GOL"

Do exame do expediente quedan acreditados os seguintes antecedentes:

- *No exercicio das súas atribucións, a Deputación Provincial de Pontevedra e o Concello de Vigo teñen o obxectivo compartido da realización das obras que posibiliten a finalización das actuacións de remodelación e modernización do Estadio municipal de fútbol de Balaídos na cidade de Vigo.*



- Para dar cumprimento ó obxectivo referido no parágrafo anterior, a Deputación Provincial de Pontevedra e o Concello de Vigo desexan establecer as pautas de colaboración para levar a cabo a remodelación do Estadio municipal de fútbol de Balaídos na cidade de Vigo en relación co proxecto “nova grada de Gol”, polo que en data 19/01/2024, con núm. de rexistro 2024000951, e nas datas 20/05/2024 e 21/05/2024 cos núms. de rexistro 2024008277, 2024008288, 2024008379, 2024008424, o Concello de Vigo presenta unha proposta de convenio xunto coa correspondente documentación técnica, os certificados acreditativos de estar ao corrente de débedas o certificado do acordo da Xunta de Goberno Local polo que se aproba a proposta de convenio así como documentación complementaria.
- Os investimentos vinculados a proposta deste convenio atópanse definidos no proxecto de execución da obra “NOVA GRADA DE GOL DO ESTADIO MUNICIPAL DE BALAIÓDOS” cun orzamento base de licitación, máis IVE, de VINTE E CINCO MILLÓNS SEISCENTOS CORENTA E DOUS MIL SETECENTOS TRECE EUROS con DEZ CÉNTIMOS (25.642.713,10€), asinado dixitalmente en data 02/04/2024, e aprobado pola Xunta de Goberno Local na sesión de data 05/04/2024.
- A proposta de colaboración ascende á cantidade de VINTE SEIS MILLÓNS TRESCENTOS CATRO MIL SEISCENTOS DEZAOITO EUROS CON DEZANOVE CÉNTIMOS (26.304.618,19 €), incluíndo os gastos da execución das obras, así como os gastos asociados á obra en relación ás asistencias técnicas sobre a coordinación de seguridade e saúde e a asistencia técnica á dirección da obra.
- A proposta de financiación para cada unha das administracións en relación ao proxecto de remodelación do Estadio Municipal de Balaídos establécese nun 50 % da totalidade dos custes contemplados no obxecto deste convenio sobre o total de 26.304.618,19€, comprometéndose así, a Deputación de Pontevedra a achegar a contía de TRECE MILLÓNS CIENTO CINCUENTA E DOUS MIL TRESCENTOS NOVE EUROS CON NOVE CÉNTIMOS (13.152.309,09€), repartidos do seguinte modo:

Exercicio 2024	2.600.000,00€
Exercicio 2025	5.276.154,54€
Exercicio 2026	5.276.154,55€
Total	13.152.309,09€

E, quedando o pagamento condicionado, en todo caso, á aprobación dos orzamentos xerais da Deputación de Pontevedra para ditas anualidades.

- Revisada polo Servizo de Cooperación, a documentación achegada cumpre os requisitos esixidos pola normativa aplicable para a sinatura do convenio. A estes efectos a proposta de convenio infórmase pola xefa do Servizo de Cooperación. Asemade, o proxecto técnico



foi supervisado polos servizos técnicos provinciais. Pola súa banda, solicítase a Intervención, logo de dar conta dos antecedentes e normativa de aplicación, a fiscalización e conformidade do expediente.

- *Sométese ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais levar a cabo a remodelación do Estadio municipal de fútbol de Balaídos. Nova grada de Gol, na cidade de Vigo.*

FUNDAMENTOS XURÍDICOS

Lexislación aplicable

- *Lei 38/2003, de 17 de novembro, Xeral de Subvencións (LXS), e o seu Regulamento, aprobado por Real Decreto 887/2006, de 21 de xullo (RLXS)*
- *Lei 7/1985, de 2 de abril, Reguladora das Bases do Réxime Local (LRBRL)*
- *Lei 5/1997, de 22 de xullo, reguladora da Administración Local de Galicia (LALGA)*
- *Lei 39/2015, de 1 de outubro, do Procedemento Administrativo Común das administracións públicas (LPACAP)*
- *Lei 40/2015, de 1 de outubro, do Réxime Xurídico do Sector Público (LRXSP)*
- *Lei 9/2017, de 8 de novembro, de Contratos do Sector Público, pola que se traspoñen ó ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 (LCSP)*
- *Lei 9/2007, de 13 de xuño, de Subvencións de Galicia (LSG)*
- *Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais (ROFRXEL)*
- *Bases de execución do orzamento da Deputación para o vixente exercicio*
- *Ordenanza Xeral de Subvencións da Deputación de Pontevedra (Ordenanza Xeral)*

Consideracións Xurídicas:

Competencia:

- *Artigo 25.2.l) da LRBRL atribúe ás Administracións municipais competencia na promoción do deporte e instalacións deportivas e de ocupación do tempo libre. En concordancia co anterior, a LALGA ao regular as competencias propias dos concellos, establece no seu artigo 80.2.n) que exercerán, entre outras, competencias en materia de actividades e instalacións culturais e deportivas, a ocupación do tempo libre e o turismo.*
- *Artigo 31 da LRBRL, que encomenda ás deputacións que dirixan a súa actividade a asegurar a prestación integral e adecuada dos servizos de competencia municipal, recolléndose no seu artigo 36 como competencia propia das deputacións a asistencia e cooperación económica ós concellos. A estes efectos, a Deputación asegura o acceso da poboación da provincia ó conxunto dos servizos mínimos de competencia municipal mediante calquera fórmula de asistencia e cooperación municipal, para o que poderá outorgar subvencións ou axudas con cargo ós seus recursos propios para a realización e*



mantemento de obras e servizos municipais.

Petición e evacuación de informes:

- *Artigos 79 e 80 da LPACAP sobre a petición e a evacuación de informes.*
- *Artigo 88.6 da LPACAP, que sinala que a aceptación de informes ou ditames servirá de motivación á Resolución cando se incorporen ó texto da mesma.*
- *Artigos 213 e ss. do TRLRFL, sobre o control e a fiscalización da xestión económica que lle corresponde realizar á Intervención.*
- *Artigo 172 do ROFRXEL, que dispón que o xefe da Dependencia á que corresponda tramitar o expediente deberá emitir un informe, expoñendo os antecedentes e as disposicións legais ou regulamentarias en que funde o seu criterio.*
- *Bases 47ª e 48ª de execución do Orzamento provincial para o vixente ano, sobre o control e a fiscalización da xestión económica, que sinalan a competencia da Intervención para realizar esta función.*
- *Artigo 24 da LXS que establece que as actividades de instrución comprenderán, entre outras, a petición de cantos informes se estime necesarios para resolver ou que sexan esixidos polas normas que regulan a subvención.*

Procedencia do convenio

- *Artigo 47 e seguintes da LRXSP, que dispón que o convenios de colaboración constitúen o instrumento adecuado para desenvolver a cooperación en cuestións de interese común.*
- *Artigo 57 da LRBRL que dispón que a cooperación en servizos locais desenvolverase con carácter voluntario, baixo as formas e nos termos previstos nas leis, podendo ter lugar, en todo caso, mediante convenios administrativos, en conexión co artigo 195.h) da LALGA.*
- *Artigo 198 da LALGA, que establece que as entidades locais poderán celebrar convenios de cooperación entre si para a máis eficaz xestión e prestación de servizos da súa competencia. No seu apartado 2º dispónse que a través dos convenios de cooperación as partes poderán coordinar as súas políticas de fomento dirixidas a un mesmo sector e distribuír as subvencións outorgadas por unha delas. No apartado 3º sinalase que, en especial, as Deputacións Provinciais poderán subscribir, cos municipios da provincia, convenios para garantir o acceso da poboación ó conxunto dos servizos municipais.*
- *Artigos 199 da LALGA, que en consonancia co artigo 49 da LRXSP sinala as especificacións que deberán conter os instrumentos de formalización dos convenios.*
- *Artigo 6 da LCSP, que exclúe do seu ámbito de aplicación os convenios de colaboración que celebre a Administración Xeral do Estado coas entidades xestoras e servizos locais, organismos autónomos e restantes entidades públicas, ou os que subscriban estes organismos e entidades entre si, salvo que, pola súa natureza, teñan a consideración de contratos suxeitos a dita lei.*
- *Artigo 2 da LXS, polo que a achega económica da Deputación de Pontevedra ten o carácter dunha subvención. O artigo 22.2 da LXS sinala que se poderán conceder de forma*



directa as subvencións previstas nominativamente nos orzamentos das Entidades Locais, nos termos recollidos nos convenios e na normativa reguladora destas subvencións. Neste senso, a Deputación, para o desenvolvemento das actuacións que se describen no convenio, ten consignado expresamente no estado de gastos do orzamento provincial do exercicio 2024, dotación orzamentaria nas aplicacións 24/942.3420.762.58.2023 e 24/942.3420.762.58 e designado como beneficiario ó concello.

- *Artigo 28.1 da LXS que establece que a resolución de concesión e, no seu caso, os convenios a través dos cales se canalicen estas subvencións establecerán as condicións e compromisos aplicables de conformidade co disposto nesta lei.*

CONCLUSIÓNS

En base ás precedentes consideracións e ó interese público que representa esta actuación para a cidade de Vigo, a Deputación Provincial de Pontevedra e o Concello de Vigo conveñen a súa colaboración neste ámbito co obxecto de desenvolver un réxime de colaboración entre ambas administracións locais para o financiamento e a execución das obras necesarias para levar a cabo o proxecto de REMODELACIÓN DO ESTADIO MUNICIPAL DE FÚTBOL DE BALAIOS. NOVA GRADA DE GOL.

Neste senso, os convenios de colaboración constitúen o instrumento idóneo para canalizar esta colaboración.

O Concello de Vigo presentou a documentación necesaria para formalizar este convenio e quedan acreditadas no expediente as razóns de oportunidade, a valoración económica das actuacións a desenvolver e o propio obxecto do convenio.

Por todo o exposto, e á vista dos antecedentes e fundamentos de dereitos aplicables, INFORMO FAVORABLEMENTE a tramitación do “CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A CONTINUIDADE DAS ACTUACIÓNS DO PROXECTO DE REMODELACIÓN DO ESTADIO MUNICIPAL DE FÚTBOL DE BALAIOS. NOVA GRADA DE GOL”.

RÉXIME COMPETENCIAL:

De conformidade co disposto no artigo 10.4 da LXS, que sinala que a competencia para conceder subvencións nas corporacións locais correspóndelle ós órganos que teñan atribuídas tales funcións na lexislación de réxime local, en virtude do establecido no artigo 33 da LRBRL e na base 16^a.3.b) das Bases de Execución do Orzamento provincial, compéttelle ao Pleno a autorización e disposición dos gastos plurianuais cando non se cumbran os límites establecidos no artigo 174 do TRLRFL.

Este informe non ten carácter vinculante, de feito que o órgano concedente co seu superior criterio decidirá.



Á vista dos informes da xefa do Servizo de Cooperación (CSV: LRUFKWGCQPUHNXFR) e da Intervención (CSV:KH1EW3FNWUL5CWB2), sométese ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte PROPOSTA DE ACORDO:

- APROBAR o “CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A CONTINUIDADE DAS ACTUACIÓNS DO PROXECTO DE REMODELACIÓN DO ESTADIO MUNICIPAL DE FÚTBOL DE BALAIOS. NOVA GRADA DE GOL” cuxo texto literalmente transcrito di como segue:

En Vigo a data de ___ de _____ de 2024

INTERVEÑEN

Dunha parte, D. Luis López Diéguez, presidente da Deputación Provincial de Pontevedra, actuando en virtude das competencias que lle atribúe o artigo 34.1.b) da Lei 7/1985, de 2 de abril, reguladora das bases de réxime local.

Doutra parte, D. Abel Caballero Álvarez, alcalde do Concello de Vigo, no exercicio das competencias que lle atribúe o artigo 124.1 e.4 da Lei 7/1985, de 2 de abril, reguladora das bases de réxime local.

Dá fe da formalización D. Carlos Cuadrado Romay, secretario xeral da Deputación de Pontevedra e Dña. Susana Gallardo Fariña, secretaria do Goberno Local do Concello de Vigo.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización deste convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, a estes efectos, de común acordo,

EXPOÑEN

I.- A Deputación de Pontevedra e o Concello de Vigo comparten como criterio que os concellos, como administración democraticamente escollida, deben ser os axentes protagonistas e os eidos administrativos aos que ten que corresponder a decisión, o deseño e o impulso da acción local e do desenvolvemento das políticas locais; ao tempo que, as deputacións, deben actuar como institucións que desenvolvan políticas, plans e actuacións que faciliten que concellos e cidadáns poidan acadaren os mesmos dereitos e servizos.

II.- No ámbito deportivo e no marco do proxecto de modernización do Estadio de Fútbol Municipal de Balaídos, o Concello de Vigo e a Deputación Provincial de Pontevedra veñen desenvolvendo unha proposta de colaboración conxunta, no ámbito das súas propias competencias e de acordo cos principios de cooperación económica, técnica e administrativa tanto en servizos locais como en asuntos de interese común regulados no marco da lei 7/1985, de 2 de abril, reguladora das Bases de Réxime Local, así como na ei 40/2015, de 1 de outubro, de Réxime Xurídico do Sector Público; colaboración que se iniciou coa sinatura, en data de



08/07/2015, do «Convenio de Colaboración entre o Excmo. Concello de Vigo e a Excm. Deputación de Pontevedra para a realización das obras de REMODELACIÓN DO ESTADIO MUNICIPAL DE FÚTBOL DE BALAIOS».

III.- En relación as últimas actuacións, cabe destacar o convenio asinado no mes de maio de 2021, para a continuidade das actuacións do proxecto de “REMODELACIÓN DO ESTADIO MUNICIPAL DE FÚTBOL DE BALAIOS”, o cal no seu obxecto identifica as actuacións de remodelación e modernización do ESTADIO DE FÚTBOL MUNICIPAL DE BALAIOS na cidade de Vigo en relación os proxectos das gradas de “Marcador” e “Gol”.

O citado convenio posibilitou a finalización da grada de MARCADOR, e en relación o proxecto da grada de GOL, o convenio vén a indicar que “o Concello de Vigo desenvolverá as xestións oportunas en cumprimento das súas obrigas para finalizar a proposta da NOVA GRADA DE GOL, co obxecto de poder planificar a súa execución e unha vez finalizado o proxecto definitivo ambas institucións comprométese a estudar o compromiso de adecuación financeira correspondente a este convenio e sempre no marco dunha financiación conxunta do 50 %, as posibilidades da súa execución”.

IV.- Atopándose pechada a proposta do proxecto da NOVA GRADA DE GOL, unha vez incorporado o mesmo as observacións realizadas polo Real Club Celta de Vigo, procede propoñer a continuidade dá colaboración entre a Deputación Provincial de Pontevedra e o Concello de Vigo, mediante a sinatura dun novo convenio, co obxecto de establecer as pautas de colaboración entre ambas Administracións para dar continuidade a realización das obras de remodelación e modernización do ESTADIO DE FÚTBOL MUNICIPAL DE BALAIOS na súa fase final en relación o proxecto da NOVA GRADA DE GOL.

V.- Que o artigo 25.2.l) da lei 7/1985, de 2 de abril, reguladora das Bases de Réxime Local atribúe ás Administracións municipais competencia en materia de promoción do deporte e instalacións deportivas.

Por outra banda, o art. 36.1) da Lei 7/1985, de 2 de abril, reguladora das bases do réxime local encomenda ás deputacións o aseguramento da prestación integral e adecuada dos servizos de competencia municipal; competencia en relación coa cal a Deputación Provincial de Pontevedra ten previsto na súa planificación a mellora das infraestruturas dos equipamentos deportivos do concellos da provincia.

VI.- Que os convenios entre as Administracións Públicas constitúen o instrumento axeitado para desenvolveren a súa cooperación en cuestións de interese común, tal como establecen os artigos 47 e seguintes da Lei 40/2015, do 1 de outubro, do réxime xurídico do sector público, o artigo 57 da Lei 7/1985, de 2 de abril, reguladora das bases do réxime local, os artigos 198 e seguintes da Lei 5/1997, de 22 de xullo, de administración local de Galicia, así como co disposto nos artigos 28.1 da Lei 38/2003, de 17 de novembro, xeral de subvencións, e 26.1 da Lei 9/2007, de 13 de xuño, de subvencións de Galicia.

VII.- Por todo o anteriormente exposto, ambas as partes manifestan expresamente o seu propósito de asinar o presente convenio de colaboración de referencia co obxecto de proceder a dar continuidade as actuación para a REMODELACIÓN E MODERNIZACIÓN DO ESTADIO MUNICIPAL DE FÚTBOL DE BALAIOS. NOVA GRADA DE GOL, conforme aos seguintes:



PACTOS

PRIMEIRO.- OBXECTO DO CONVENIO

O obxecto deste convenio é establecer as bases de colaboración entre o Concello de Vigo e a Deputación Provincial de Pontevedra para a realización das obras que posibiliten a finalización das actuacións de remodelación e modernización do ESTADIO DE FÚTBOL MUNICIPAL DE BALAIOS na cidade de Vigo en relación co proxecto "NOVA GRADA DE GOL".

Os investimentos vinculados ao presente convenio atópanse definidos no proxecto de execución da obra "NOVA GRADA DE GOL DO ESTADIO MUNICIPAL DE BALAIOS" redactado por un equipo multidisciplinar e asinado polo Arquitecto Pedro de la Puente Crespo, cun orzamento base de licitación máis IVE de VINTE E CINCO MILLÓNS SEISCENTOS CORENTA E DOUS MIL SETECENTOS TRECE EUROS con DEZ CÉNTIMOS (25.642.713,10€), asinado dixitalmente coa data do 2 de abril de 2024, e aprobado pola Xunta de Goberno Local na sesión de data 05.04.2024 no expediente 4865-443.

Así mesmo o alcance das obrigas económicas deste convenio terán en conta como custes asociados a obra, aquelas asistencias técnicas vinculadas as direccións de obra e coordinación de seguridade e saúde.

SEGUNDO.- IMPORTE E FINANCIAMENTO

1.- O importe ao que se refire o presente convenio ascende á cantidade de VINTE SEIS MILLÓNS TRESCENTOS CATRO MIL SEISCENTOS DEZAOITO EUROS CON DEZANOVE CÉNTIMOS (26.304.618,19 €), incluíndo os gastos da execución das obras, así como os gastos asociados á obra en relación ás asistencias técnicas sobre a coordinación de seguridade e saúde e a asistencia técnica á dirección da obra, correspondéndose os seguintes gastos máximos:

<i>CONTRATO MAIOR OBRAS PROXECTO "DA NOVA GRADA DE GOL DO ESTADIO MUNICIPAL DE BALAIOS"</i>	<i>25.642.713,10€</i>
<i>COORDINACIÓN SEGURIDADE E SAÚDE OBRAS DE NOVA GRADA DE GOL DO ESTADIO DE BALAIOS</i>	<i>181.283,41€</i>
<i>ASISTENCIA TÉCNICA Á DIRECCIÓN DE OBRA MUNICIPAL DE "NOVA GRADA DE GOL DO ESTADIO MUNICIPAL DE BALAIOS"</i>	<i>480.621,68€</i>
<i>Importe total destas actuacións:</i>	<i>26.304.618,19€</i>

2.- A obriga de financiación para cada unha das administracións en relación ao proxecto de remodelación do Estadio Municipal de Balaídos establécese nun 50 % da totalidade dos custes contemplados no obxecto deste convenio sobre o total de 26.304.618,19 €.

3.- Obrigas económicas para a Deputación Provincial de Pontevedra:

A Deputación Provincial de Pontevedra comprométese a achegar, para a execución dos investimentos previstos neste convenio en relación a execución das actuacións para a NOVA



GRADA DE GOL, a contía de TRECE MILLONS CENTO CINCUENTA E DOUS MIL TRESCENTOS NOVE EUROS CON NOVE CENTIMOS (13.152.309,09 €)

A tal fin, e para garantir a estabilidade do financiamento do convenio, a achega da Deputación Provincial de Pontevedra será financiada con cargo os créditos da aplicación 24/942.3420.7962.58_e de acordo coas seguintes anualidades:

<i>Exercicio 2024</i>	<i>2.600.000,00€</i>
<i>Exercicio 2025</i>	<i>5.276.154,54€</i>
<i>Exercicio 2026</i>	<i>5.276.154,55€</i>
Total:	13.152.309,09€

O pagamento quedará condicionado, en todo caso, á aprobación dos orzamentos xerais da Deputación de Pontevedra para ditas anualidades.

4.- Obrigas económicas para o Concello de Vigo:

O Concello de Vigo comprométese a achegar, para a execución dos investimentos previstos neste convenio en relación a execución das actuacións para a NOVA GRADA DE GOL, a contía de TRECE MILLÓNS CENTO CINCUENTA E DOUS MIL TRESCENTOS NOVE EUROS CON DEZ CÉNTIMOS (13.152.309,10 €).

<i>Exercicio 2024</i>	<i>300.000,00€</i>
<i>Exercicio 2025</i>	<i>6.426.154,55€</i>
<i>Exercicio 2026</i>	<i>6.426.154,55€</i>
Total:	13.152.309,10€

A tal fin, e para garantir a estabilidade do financiamento do convenio, a achega do Concello de Vigo será financiada con cargo os créditos da aplicación 9330.632.00.10 e de acordo a execución indicada anteriormente. Non obstante, o pagamento quedará condicionado, en todo caso, á aprobación dos orzamentos xerais do concello para os anos 2025 e 2026.

5.- Non obstante, calquera variación das anualidades da execución previstas, poderá dar lugar ao reaxuste das anualidades do presente convenio, a cuxo efecto o Concello de Vigo, previa proposta da Comisión de Seguimento do convenio, dará audiencia á Deputación Provincial no expediente que se inicie para o reaxuste das anualidades e da resolución que se dite.



TERCEIRO.- EXECUCIÓN DO CONVENIO

- 1.- *A execución das actuacións e dos contratos a que o presente convenio se refire e o seu financiamento polas partes asinantes terá lugar durante os anos da vixencia do convenio de acordo coas obrigas de financiamento indicadas no pacto segundo.*
- 2.- *Como continuidade das actuacións xa iniciadas sobre a obra da nova grada de GOL o Concello de Vigo lle comunicará a Deputación Provincial a realización de todos os actos públicos sobre o seguimento das obras, co obxecto de que asista de consideralo procedente un representante da Corporación provincial.*
- 3.- *O Concello de Vigo comunicará á Deputación Provincial a data e hora en que terá lugar, o acto de recepción desta, ao que asistirá, de consideralo procedente a Corporación provincial, un representante ou facultativo desta. A Administración municipal remitirá á provincial copia da acta do acto de recepción e certificación da resolución do órgano competente aprobatoria da recepción da obra executada e da certificación final da mesma.*
- 4.- *Formalizado, de selo caso, o contrato, ou contratos, de servizos para a contratación de asistencia técnica á dirección das obras e a Coordinación de Seguridade e Saúde, remitirase copia dos mesmos á Deputación Provincial así como dos abonos a conta que en execución dos mesmos se poidan producir.*
- 5.- *A Deputación Provincial poderá inspeccionar a execución das obras obxecto do presente convenio e as actuacións realizadas no marco do mesmo cando o teña por convinte, así como formular as observacións que estime pertinentes, sen prexuízo de que corresponda en exclusiva ao órgano de contratación e aos responsables dos respectivos contratos a emisión das ordes e instrucións que procedan.*

CUARTO.- XUSTIFICACIÓN E PAGAMENTO

O Concello de Vigo asume a licitación, dirección, execución e recepción das obras contempladas na memoria técnica, e a súa xustificación perante a Deputación de Pontevedra.

O Concello de Vigo poderá realizar xustificacións parciais, que responderán ao ritmo de execución das obras, que se aboarán pola contía equivalente á/s xustificación/s presentada/s.

O importe correspondente á/s xustificación/s achegada/s, será reembolsado ao Concello mediante transferencia bancaria, unha vez que conste na Deputación a seguinte documentación:

- *Contrato de adxudicación da obra.*
- *Acta de comprobación do replanteo.*
- *Orixinal ou copias compulsadas da/s factura/s expedida/s pola empresa adxudicataria dos traballos realizados.*
- *Certificación/s de obra executada. Xunto coa primeira certificación se remitirá unha proba gráfica da difusión dada ao investimento que se financia coa axuda da Deputación.*
- *Certificacións ou actos de aprobación/conformidade dos gastos polo órgano municipal.*
- *Nomeamento do Director de obra e coordinador de seguridade e saúde.*



Así mesmo coa finalización das obras para a liquidación final das actuacións deberá ser aportada a seguinte documentación:

- *Acta de recepción, unha vez rematado o investimento.*
- *Declaración do conxunto de axudas solicitadas, tanto as aprobadas ou concedidas como as pendentes de resolución, para o financiamento do obxecto deste convenio, das distintas administracións públicas competentes ou calquera dos seus organismos, entes ou sociedades.*
- *Informe final do ou da Director/a de obra.*
- *De producirse a tramitación dun modificado, a certificación expedida pola persoa funcionaria competente de que a súa tramitación foi consonte a Lei de contratos.*
- *Declaración responsable de non estar a beneficiaria incurso en ningunha das causas previstas no artigo 10.2 da Lei 9/2007, de 13 de xuño, de subvencións de Galicia, para ser beneficiaria desta axuda.*
- *Calquera outra documentación esixible pola normativa vixente para a correcta xustificación deste convenio ou que se considere necesaria para a comprobación da correcta execución do obxecto do convenio.*

A/s certificación/s de obra, facturas ou documentos análogos acreditativos do gasto, e o resto da documentación xustificativa, serán verificadas polos servizos técnicos provinciais e fiscalizadas pola Intervención provincial antes de ser aprobadas e pagadas.

Así mesmo, as actuacións realizadas estarán sometidas á comprobación explícita da execución das obras por parte dos servizos técnicos da Deputación Provincial.

A comprobación material do investimento que se define no parágrafo anterior é un requisito imprescindible do que debe quedar constancia no expediente xustificativo.

QUINTO.- MODIFICACIÓNS DO PROXECTO

As partes asinantes do convenio, comprométese á estabilidade do financiamento comprometido en base á contratación do proxecto do investimento obxecto deste convenio e de acordo coa obriga de financiación para cada unha das administracións en relación ao proxecto de remodelación do Estadio Municipal de Balaídos establécese nun 50 % da totalidade dos custes contemplados no obxecto deste convenio sobre o total dos 26.304.618,19 €. Polo cal a achega da Deputación Provincial de Pontevedra por importe de 13.152.309,09 €, determínase como achega finalista ao convenio das actuacións no marco da NOVA GRADA DE GOL DO ESTADIO MUNICIPAL DE BALAIÓDOS, aportando o Concello de Vigo a totalidade dos incrementos que se deriven da execución final deste proxecto.

Se finalmente, a execución das obras previstas tiveran un custe inferior ao indicado na adxudicación do contrato, e sempre que isto non supoña unha actuación deficiente do mesmo, a contía das achegas das administracións reducirase proporcionalmente as cantidades a aportar por cada administración en relación ao importe adxudicado.



SEXTO.- COMPROMISOS DAS PARTES

O Concello de Vigo obrígase a:

- *Financiar a execución das obras obxecto deste convenio, asumindo as obrigas económicas correspondentes segundo os compromisos adquiridos, e de conformidade co previsto nos pactos segundo e terceiro. A tal fin dotará os recursos necesarios, na aplicación correspondente, para o financiamento das actuacións previstas neste convenio.*
- *Remitir á Deputación Provincial os proxectos técnicos vinculados co obxecto do convenio, así como de calquera modificación.*
- *Licitir, executar, controlar e recibir as obras consonte ao correspondente proxecto técnico.*
- *Contratar, de selo caso, as asistencias técnicas á dirección de obra e coordinación de seguridade e saúde.*
- *Obter as correspondentes licenzas e tramitar ante outros organismos as autorizacións pertinentes que fosen precisas.*
- *Dar a adecuada publicidade a este convenio, de tal xeito de que quede constancia de que a obra obxecto do mesmo se levou a cabo en colaboración coa Deputación de Pontevedra.*
- *Destinar os fondos percibidos ao obxecto concreto para o que foron concedidos.*
- *Comunicar á Deputación de forma inmediata, a obtención doutras subvencións ou axudas para a mencionada finalidade procedentes de calquera administración pública ou ente privado nacional ou internacional, con expresión da súa contía.*
- *Prestar a colaboración e facilitar canta documentación lle sexa requirida no exercicio das funcións de fiscalización e control do destino das axudas que lle corresponden á Intervención Provincial, ao Tribunal de Contas e ao Consello de Contas.*

Asemade, o Concello de Vigo comprométese ao cumprimento das obrigas contidas na Lei 9/2007, do 13 de xuño, de subvencións de Galicia, e en especial as recollidas no artigo 11 da mesma.

Tamén seralle de aplicación o recollido na Lei 38/2003, de 17 de novembro, xeral de subvencións e no seu Regulamento, aprobado polo Real Decreto 887/2006, de 21 de xullo.

Pola súa banda, a Deputación de Pontevedra comprométese a:

- *Financiar a execución das obras obxecto deste convenio, asumindo as obrigas económicas correspondentes segundo os compromisos adquiridos, e de conformidade co previsto nos pactos segundo e terceiro. A tal fin disporá dos recursos indicados co carácter de achega finalista para a execución das mesmas.*
- *Prestar a colaboración e facilitar canta documentación lle sexa requirida no exercicio das funcións de fiscalización e control do destino das axudas que lle corresponden ao Tribunal de Contas e ao Consello de Contas, en cumprimento do disposto no artigo 53 da Lei 40/2015, de Réxime Xurídico do Sector Público e da Resolución Presidencial núm. 2017008767, de 8 de maio de 2017, tratándose asemade dun convenio cuxas achegas económicas exceden de 600.000,00€.*



SÉTIMO.- PUBLICIDADE

En toda a documentación e información relativas ao obxecto deste convenio incluírase a imaxe corporativa que a este fin faciliten, en todos os formatos, a Deputación Provincial de Pontevedra e o Concello de Vigo, e nelas figurará de maneira destacada o financiamento da actuación por ambas administracións.

En todo caso as accións a desenvolver ao abeiro do convenio, deberán garantir un alto impacto e visibilidade da colaboración entre o Concello de Vigo e a Deputación Provincial de Pontevedra.

Por outra parte, en cumprimento do establecido na resolución de 15 de xuño de 2020, da Intervención Xeral da Administración do Estado, pola que se regula o proceso de rexistro e publicación de convocatorias no Sistema Nacional de Publicidade de Subvencións e Axudas Públicas e, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, a Base de Datos Nacional de Subvencións operará como sistema nacional de publicidade das subvencións. A tales efectos e para garantir o dereito dos cidadáns a coñecer todas as subvencións convocadas en cada momento de cara a contribuír aos principios de publicidade e transparencia, a Intervención Xeral da Administración do Estado publicará na súa páxina web as subvencións concedidas, segundo o establecido nos artigos 20.4 e 20.8.b da Lei 38/2003, de 17 de novembro, xeral de subvencións.

OITAVO.- CONFIDENCIALIDADE E PROTECCIÓN DE DATOS

As partes comprométese ao intercambio de datos e información técnica para o cumprimento efectivo de todos os termos deste convenio coas garantías de confidencialidade que en cada caso se requiran e permanecerá exclusivamente no ámbito da relación das partes e do persoal técnico que colabore nas actividades, obrigándose a mantelo en réxime de confidencialidade por prazo indefinido e con independencia da duración do convenio.

Toda a información e documentación intercambiada no marco do convenio será propiedade das respectivas partes.

As actuacións obxecto deste convenio que impliquen o tratamento de datos de carácter persoal deberán respectar na súa integridade a normativa reguladora de protección de datos de carácter persoal.

NOVENO.- COMPATIBILIDADE CON OUTRAS SUBVENCÍONS

A achega económica prevista no presente instrumento, que ten carácter de subvención, será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou e organismos internacionais.

Porén, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da contratación subvencionada, para o cal de ser o caso se procederá a minorar proporcionalmente as cantidades a aportar por cada administración en relación ao importe adxudicado.

DÉCIMO.- COMISIÓN DE SEGUIMENTO



Para o seguimento e coordinación da execución deste convenio e resolución das dúbidas que poidan producirse na súa interpretación crearase unha comisión integrada por tres representantes de cada unha das Administracións asinantes, un dos cales terá carácter técnico.

Corresponderá á Comisión de Seguimento:

- ✓ A puntual recepción de información sobre tódalas actuacións que se produzan na execución dos contratos a que este convenio se refire.*
- ✓ A coordinación entre as administracións asinantes na execución e financiamento do convenio, ditando ao efecto as instrucións oportunas.*
- ✓ A resolución das dúbidas que presente a interpretación do convenio e, no seu caso, a emisión de informe se a dúbida ten que ser resolta polos órganos de goberno das administracións asinantes.*
- ✓ A emisión de informe en relación coa necesidade do reaxuste da anualidade do convenio e en relación con cantas incidencias se produzan na execución do contrato a que este se refire.*
- ✓ A formulación das propostas que procedan en relación ás cuestións a que os seus informes se refiran.*

A Comisión de Seguimento reunirse cando o estime convinte o seu responsable, por decisión propia ou a petición de calquera dos seus membros. As súas reunións terán lugar na Casa do Concello de Vigo ou na Deputación de Pontevedra, segundo acorden as partes. Na súa reunión constituínte designarase ao responsable da mesma e ao seu secretario, que levantará acta das súas reunións.

DÉCIMO PRIMEIRO.- VIXENCIA

O presente convenio producirá os seus efectos dende a data da súa sinatura a total execución dos contratos a que o mesmo se refire, fixándose en todo caso un prazo de límite de execución de 36 meses, contados desde a súa formalización, incluíndo o prazo para a xustificación unha vez finalizadas todas as actuacións do convenio .

No caso de imposibilidade de remate das obras ou xustificación nos prazos referidos, as partes poderán acordar a ampliación dos mesmos ata o 31/12/2027.

DÉCIMO SEGUNDO.- EXTINCIÓN DO CONVENIO

O convenio extinguirase polo cumprimento das actuacións que constitúen o seu obxecto ou por incorrer en causa de resolución.

Serán causas de resolución:

- 1º.- O transcurso do prazo máximo de vixencia do convenio.*
- 2º.- O acordo unánime dos asinantes.*
- 3º.- O incumprimento das obrigas e compromisos asumidos por parte dalgún dos asinantes.*



Neste caso, notificarase á parte incumpridora un requirimento para que, no prazo que se sinala, cumpra coas obrigacións ou compromisos que se consideran incumpridos. Este requirimento será comunicado tamén ao responsable da Comisión de Seguimento.

Se transcrido o prazo indicado no requirimento persistira o incumprimento, a parte que o dirixiu notificará á outra parte a concorrencia de causa de resolución e entenderase resolto o convenio. A resolución do convenio por esta causa poderá dar lugar a indemnización dos prexuízos causados.

4º.- Por decisión xudicial declaratoria da nulidade do convenio.

5º.- Por calquera outra causa distinta das anteriores prevista no convenio ou noutras leis.

DÉCIMO TERCEIRO- RÉXIME XURÍDICO

O presente convenio ten natureza administrativa e rexerese pola Lei 38/2003, de 17 de novembro, xeral de subvencións e o Real Decreto 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do Estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do Real Decreto 887/2006; polos pactos que se conteñen neste convenio; as Bases de Execución dos orzamentos das Administracións asinantes; a Ordenanza Xeral de Subvencións da Deputación Provincial e as restantes normas de dereito administrativo, e no seu defecto, as normas de dereito privado.

O Concello de Vigo e a Deputación Provincial de Pontevedra comprométense a resolver de maneira amigable calquera desacordo que poida xurdir no desenvolvemento deste convenio. Con todo, e no caso de aparición de discrepancias que non puideran resolverse a través da Comisión de Seguimento, será competente a Xurisdición Contencioso-Administrativa.

E en proba de canto antecede, as partes que interveñen asinan o presente convenio por duplicado e a un só efecto no lugar e na data sinalados no seu encabezamento.

O alcalde-presidente do Concello de Vigo, Abel Caballero Álvarez

A secretaria do Goberno Local do Concello de Vigo, Susana Gallardo Fariña

O presidente da Deputación de Pontevedra, Luís López Diéguez

O secretario xeral da Deputación de Pontevedra, Carlos Cuadrado Romay

- FACULTAR á Presidencia para formalizar o devandito convenio mediante a súa sinatura.*
- DARLLE TRASLADO do presente acordo ó Concello de Vigo, á Intervención, ó Servizo de Cooperación, ó Gabinete da Presidencia e o Gabinete de Prensa.”*

Sometido a votación este asunto, a Comisión Informativa de Cooperación Local, Transfronteiriza e de Coordinación das Emerxencias Provinciais, ditamina favorablemente por unanimidade.



4. ROGOS E PREGUNTAS

Non houbo.

E non habendo máis asuntos que tratar, a Presidencia dá por finalizada a reunión, sendo as doce horas e oito minutos, do que, como secretaria, dou fe.

Pontevedra, na data da sinatura electrónica

A secretaria da Comisión,

Marina Piñeiro Novo

